



## Politiskuos partejis PROGRESĪVĪ priņcipi

Myusu ideāls ir taida vaļsts i sabīdreiba, kuru raksturoj taisneigums, redzīņu breiveiba, atdareigums, cylvāku vīnleidzeiba i solidaritate. Itūs vierteibu eistynuošona ļaus Latvejai izplaukt i sevkuram juos īdzeivuotuojam dzeivuot lobkluojeibā.

Mes īsastuojam par sociali atbīldeigu politiku, pylsūņu leīdzdaleibu i leīdzatbīldeibu par vaļstī nūteikūšū, vysu sabīdreibys dalinīku lojalu attīksmi pret Latvejis vaļstiskumu. Mes īsastuojam par zīmeļvaļstu lobkluojeibys modeļa īvīššonu Latvejā, kurā teik eistynuota politika, kurys pamatā ir solidarys attīceibys storp vysim sabīdreibys dalinīkim.

Mes pīzeistam, ka:

- Latvejā ir juoīvīš progresivuo nūdūkļu i nūdavu sistema, kurā piec progresivitatis priņcipa teik pīmāruotys vīnaidys īnuokuma nūdūkļa likmis vysim īnuokumim – i dorba olgai, i kapitāla pīaugumam, i cytim īnuokumim. Vydssluoņam i tryuceigajim vaļsts īdzeivuotuojim ir juosamaznoy nūdūkli i nūdavys. Nūdūkļu slūgs nu dorbaspāka juopuorceļ iz patiereņu, tai veicynojuēt ražuošonys atteisteibu;
- Latvejis ekonomikai juosabolsta iz zaļu, resursus saudzejūšu tautsaimnīceibu. Vysūs politiskūs, ekonomiskūs i socialūs lāmumūs juojam vārā arī jūs ītekmē iz vīdi i socialim aspektiem;
- Latvejā ir juoveicynoju zynuošonu ītīlpeigys ekonomiskuos i saimnīcyskuos aktivitatis, kas baļsteitys iz kūpdarbeibu i kopeigu resursu izmontuošonu;
- Ānu ekonomika juosamaznoy, uzsvoru līkūt na iz represivim metodim, a taidys ekonomikys i nūdūkļu politikys veiduošonu, kas motivēs uzjāmumus struođuot legāli. Politikim i vaļsts puorvaļdei ar sovīm dorbim juopīruoda, ka samoksuoti nūdūkli nateik izsaimnīkuoti i teik īguļdeiti kūpeigom vajadzeibom;
- patīsa korupcejis apkāruošona i caurspeideiga, gūdeiga i saprūtama politika ir pamats, kab naizšķierdēt nūdūkļu moksuotuoju naudu i atteisteitu vaļsti;
- vaļstei aktīvi juoīsasaista tierga ekonomikys atteisteišonā. Tautsaimnīceibai strategiski svareigu vaļsts uzjāmumu privatizaceja nav pīļāunama. Vaļstei nav juosabeist dybynuot jaunus vaļsts uzjāmumus. Itaidom darbeibom ir juobyun ryupeigi izsvārtom i juosarysynoju vīņ vaļsts i juos pylsūņu ilgtermeņa interesēs;
- Latvejis sasnāgumu i izaugsmis atskaitis punktam ir juobyun īdzeivuotuoju laimis indeksam, na īšķzemis kūpprodukta pīaugumam;
- Latvejai juopalīk par vaļsti, kurā sevkura vacuma cylvākam ir daīmama vaļsts finansāta izgleiteiba, īspiejis puorsakvalificēt, kab spēēt pylnvierteigi pīduovuot sovys spiejis i talantus vaļsts tautsaimnīceibys atteisteibai;
- izgleiteibai juobyun laikam atbylstūšai i prioritarai vaļsts nūzare, kam juoatsaspīdnoju vaļsts budžetā;
- vaļstei juodaboj pozitīva demografiskuo situaceja. Mes īguļdeisim vysus sovus spēkus, kab jaunom saimem byutu īspieja augt;

- vysim pylsūnim naatkareigi nu jūs maņtiskuo stuovūkļa, dzymuma, seksualuos orientacejis, religiskim ci politiskim redzīnim, nacionalitatis ir juonūdrūsynoju vīnleidzeigys īspiejis i tiseibys, tai veicynojuūt vīnuoty sabīdreibys veiduošonūs;
- ari Latvejā juopījam lykums, kas dūtu īspieju nalauluotim puorim registrēt sovu kūpdzeivi i palikt par juridiski pīzeitu saimi naatkareigi nu dzymuma;
- sevkuram bārnām, kurs pīdzymst Latvejā pastuoveigi dzeivojūšim cylvākim, pylsūneiba juodūd automatiski;
- pošvaļdeibu vieliešonu bolstīseibys juodūd sevkuram īdzeivuotuojam, kurs pastuoveigi dzeivoj konkretuos pošvaļdeibys teritorejā, mozais, pīcus godus i ir sasnīdzs 16 godu vacumu;
- Latvejis veseleibys apryupei i vaļsts medicīnys īstuodem ir juobyun dāimamam sevkuram īdzeivuotuojam;
- vaļstei juoveicynoju leidzvierteigu obeju dzymumu īsasaisteišonu vaļsts puorvaļdē. Juodaboj, ka sīvītis i veirīši sajam vīnaidu atolgojumu par identisku dorbu;
- vaļstei juoatbolsta sabīdreibys pošorganiziešonus i juos breiva leidzdaleiba vaļsts puorvaļdē – bīdreibys, partejis, nūdybnyuojumus, arūdbīdreibys i fondus;
- politiskuos partejis puordūmuoti juofinansej nu vaļsts budžeta, kas palelynuos vaļsts i poššvaļdeibu naatkareibu nu oligarhu;
- vaļsts puorvaļdē nasakavejūt juoīviš modernūs tehnologeju lītuošona i jūs dūtuos pīškrūceibys juoizmontoj ekonomiskajai atteisteibai, sabīdreibys leidzdaleibai i birokratejis samazynuošonai;
- vaļsts politiskuos varys centram juoatsarūn parlamentā, lāmumu pījimšonai juobyun caurspeideigai i juonūteik īdzeivuotuoju interesēs;
- ir juoveicynoju sabīdreibys īsasaisteišona kulturys i sporta dzeivē;
- cīns pret latvišu volūdu, juos lūmys styprynuošona ir Latvejis vaļsts i juos patstuoveibys pīšknūsacejums;
- Latveja ir pylntīseiga ANO, ES i NATO dalineica, kurai juosareikoj itamuos organizacejuos tai, kab juos styprynuotu i realizātu kūpejuos pasauļa, Eiropys i Latvejis nacionaluos interesis.

**Ka itī redzīni i mierki ari pa Tevim — PĪSAVĪNOJ!**